

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1045a

原始資料: 蕭鎮國大德提供, 北美某大德提供

## No. 1045 [No. 1044, cf. No. 1043]

### 佛說六字神呪王經

#### 失譯人名今附梁錄

如是我聞。一時佛在舍衛國祇陀林中。爾時有一外道旃陀羅女。專行眾惡符書厭禱。或事山神樹神樹下鬼神。日月五星南斗北辰。一切魍魎雜魔邪魅。惑尊者阿難及諸善人。如是等恒河沙數。

即時如來因見阿難恍惚。憐愍一切故。為說此六字神呪王經。先佛所說我今亦說。即說呪曰。

安陀隸 槩陀隸 迦羅知 翅由知 帝闍波帝 頻頭波帝 陀頭隸 陀究帝隸  
陀究摩帝 修摩帝 安陀羅 槩陀羅 檀陀羅 提兜羅 阿那延陀 曼陀波帝 阿那  
阿那夜 摩頭 摩波帝 迦羅吒 翅由羅 浮登伽彌 帝闍波帝 頻頭摩帝 阿羅  
婆 伽婆帝 毘咤 毘提膩 至吒 毘提膩 悉波呵

若有為某甲作惡呪詛。若作已若當作。若天若龍。若夜叉若羅刹。若餓鬼若鳩[目\*果]茶。若富多那若毘舍闍。若阿波摩羅若憂波摩羅。若吉遮若佢佢陀。若毘陀羅若半毘陀羅。若沙門若婆羅門。若剎利若毘舍若首陀。若摩登伽女若栴陀羅若栴陀羅女。若奴若婢。若男若女。若外道若尼乾。若外道出家男女。如是等種種悉能呪詛[示\*厭]盡。我今以此六字神呪王經。若天上作天上滅之。若天下作天下滅之。若雲漢中作雲漢中滅之。若虛空中作虛空中滅之。若地上作地上滅之。若地下作地下滅之。若八表外作八表外滅之。若六合內作六合內滅之。若隨風飈中作隨風飈中滅之。若四海大水邊作四海大水邊滅之。若江河邊作江河邊滅之。若淮濟邊作淮濟邊滅之。若陂塘邊作陂塘邊滅之。若雜水邊作雜水邊滅之。若大山邊作大山邊滅之。若五岳邊作五岳邊滅之。若五岳中作五岳中滅之。若坑谷邊作坑谷邊滅之。若坑谷中作坑谷中滅之。若茂林邊作茂林邊滅之。若茂林中作茂林中滅之。若樹木邊作樹木邊滅之。若樹下根中作樹下根中滅之。若大道徑邊作大道徑邊滅之。若大道徑中作大道徑中滅之。若小四交道邊作小四交道邊滅之。若城外門作城外門滅之。若城內作城內滅之。若宮外門作宮外門滅之。若宮內作宮內滅之。若婆羅門作悉皆滅之。若塚墓邊作塚墓邊滅之。若塚墓中作塚墓中滅之。若垣牆邊作垣牆邊滅之。若家舍宅中作家舍宅中滅之。若屋宇作屋宇滅之。若柱邊作柱邊滅之。若柱趺下作柱趺下滅之。若坋土邊作坋土邊滅之。若坋土中作坋土中滅之。若井邊作井邊滅之。若井中作井中滅之。若碓磨邊作碓磨邊滅之。若爐竈邊作爐竈邊滅之。若爐竈中作爐竈中滅之。若火邊作火邊滅之。若火

中作火中滅之。若廁溷邊作廁溷邊滅之。若廁溷便中作廁溷便中滅之。若車乘具邊作車乘具邊滅之。若車乘具中作車乘具中滅之。若鞍馬服飾邊作鞍馬服飾邊滅之。若床敷邊作床敷邊滅之。若床敷中作床敷寂滅之。若衣被氈褥邊作衣被氈褥邊滅之。若靴帽中作靴帽中滅之。若雜器中作雜器中滅之。若飲食中作飲食中滅之。若側近人作者悉皆滅之。若夜作夜滅之。若晝作晝滅之。晝夜常作悉皆滅之。此呪能斷帝釋呪道。能斷梵天呪道。能斷四天大王呪道。及與一切所有邪鬼呪方道術悉皆能斷。若有為某甲作惡呪詛。及與毒藥悉皆滅之。若佉毘陀若毘陀羅。若吉遮若富多那所為悉皆滅之。

眾惡都盡眾善補處。願此呪常吉。以此真實章句。使某甲晝安夜安晝夜常安。得受百歲得見百秋。何以故世間最上無過於佛。天尊所上眾神仰奉。若有行惡呪道。若作已作若當作。若中作若成就若未成就悉皆滅之。及與一切眾毒能害人者。此六字神呪王經皆消滅之。即說呪曰。

佉智 佉住 佉毘智 緘壽 緘壽 多智 婆智

若有為某甲作惡呪詛。若作已若當作。若天若龍。若夜叉若羅刹。及與一切能作惡呪詛悉皆滅之。若佉毘陀若毘陀羅若富多那所為悉皆滅之。眾惡都盡眾善補處。願此呪常吉。以此真實章句。使某甲晝安夜安晝夜常安。得受百歲得見百秋。何以故世間最妙無過於法。天人所欽眾魔奉受離欲無著。即說呪曰。

佉智 佉住 佉毘智 緘壽 緘壽 多智婆智

何以故。世間最貴無過於僧。良善福田賢聖所敬眾善守護。即說呪曰。

佉智 佉住 佉毘智 緘壽 緘壽 多智 婆智 兜帝 阿彌帝 阿周帝

若有為某甲作惡呪詛。若和合毒藥。若真若偽所作非法。若前身若今身。行業眾惡一切重罪。皆悉滅之。即說呪曰。

摩佉波 烏摩陀 蓮陀禰 佉毘他 波提 蓮陀禰 頻頭摩提 至帝 至多提婆  
蓮陀禰 阿津 旃陀津 悉波訶

若有人誦持六字神呪王經。假令呪枯樹可得還生枝葉。何況呪人身。使某甲得受百歲得見百秋。諸佛所說阿難所傳。若人讀誦通利悉皆自護。眾惡遠身恒與善居。若呪他者能除彼人眾苦惡患。誦者斷五辛至心鮮潔然後乃能行之。諸難凶禍無有遺餘吉無不利。即說呪曰。

呵呵遮利 呵呵那彌 呵呵浮丘陀摩提 呵呵浮丘陀 尼劬沙 呵呵尼呵 陀佉  
毘陀 尼毘沙 佉毘陀 伊禰 彌禰 陀弊 陀陀弊 悉波呵

南無佛觀世音菩薩摩訶薩。南無法。南無比丘僧。禮彼大士。然後說是神呪。願此呪常吉。觀世音觀照我身觀世音觀照我身憐愍我故。即說呪曰。

烏呵尼 無呵尼 阿陀 尼阿陀 毘阿陀 閻毘尼 耽毘尼 安陀隸 那陀隸  
斯鼻提 安陀 羅婆斯 薩陸豆 率吒婆羅 豆率吒 貿耽闍波 夜耽波 夜無呵夜

尼波羅 夜耶波某 羅提 槩某遮提 盧婁至吒 般陀斯 至吒般陀斯 悉波呵  
此呪能護一切厄難。鮮淨光明解脫無垢觀照一切濟度眾難迷荒惡魔。現世護身。  
師子狂象虎狼猿猴。及諸毒獸欲害人者皆悉被縛。我今為某甲及共行伴。一切呪力所  
向之處願無不吉。即說呪曰。

知[酉\*益]利 知利 收利 摩登耆 旃陀利 羅叉羅叉 羅耶 悉波呵  
南無佛陀。南無達摩。南無僧伽。必願此呪令大吉。善用此呪法。當用之日洗浴  
鮮潔淨除垢穢。不得行姪不食五辛飲酒。噉肉以白疊綻手提其綻。誦呪七遍一遍一結  
。若有官事被言。若有鬪諍。若有呪詛。及一切眾惡悉皆滅之。呪訖此綻繫著其人淨  
衣帶中。事過之後。請佛及僧燒眾名香。即就靜坐讀大乘經設供齋會任力有無報佛慈  
恩主自解願永絕八難善願從心即說呪曰。

[酉\*益]豆摩帝 耶舍波帝 波沙 無婆帝 烏受波帝 酔多羅尼 阿叉 夜波帝  
阿[少/兔]彞 帝目視 婆羅婆某帝婆羅婆只豆 悉波呵

南無當來過去現在常住三世無量諸佛。文殊師利普賢彌勒首楞嚴三昧。請佛觀世  
音消伏毒害。虛空藏寶幢孔雀陀羅尼六字章句。堅意菩薩不汚菩薩。各稱一切得道賢  
聖。歸依如是菩薩摩訶薩眾。如前三稱三寶。然後說此大神陀羅尼呪。即說呪曰。

迦羅尼 摩帝毘 怒多尼 伽帝婆羅 毘耶舍 首羅 婆隸 陀[少/兔]提 散陀  
婆提 酔多羅尼 舍陀某佉 舍陀娑羅毘舍 彪陀 迦梨舍 婆薩那 婆伽帝 究舍  
羅 婆娑尼 阿[少/兔]散帝 毘散帝 知帝 阿知帝 湯那伽帝 阿湯那伽帝 阿婆  
娑利 舍婆羅禰目隸 牟羅牟羅 婆陀禰 舍尼 婆羅陸 須梨婆帝 殊帝 婆羅陸  
須毘摩隸 菴摩隸

此呪能除一切冥闇如來所持諸天敬愛。善神擁護梵天解悟。帝釋奉事護世營護。  
決了大聖仙賢受持和合。眾生解脫繫縛。四天以下及人民眾斷絕煩惱降伏魔怨。化令  
外道摧惡就善。諍嫉論說憍慢之心。善無不慈增崇善根。超越法師不捨大眾。悅人學  
習守護經典。甚深法藏利益三寶。愍念一切眾生之類。莊嚴眾義有如是利。名無盡藏  
此陀羅尼句非護能護。若復有人能讀誦者。得三十三無疑畏難。用此呪法清晨早起洗  
手漱口燒香禮拜三遍讀誦。所行之處言語談論。一切向處無常不勝。眾人貴敬見者歡  
喜。怨家降伏有如是利益。一心奉持此陀羅尼章句者也。

## 佛說六字神呪王經